



Кошкынбаева М.

МЕКТЕПКЕ ДЕЙІНГІ БАЛАЛАРДЫҢ ПСИХОЛОГИЯЛЫҚ ТАНЫМ ҮРДІСІНІҢ ДАМУЫ

*В статье рассматриваются вопросы
психологического познавательного
развития детей дошкольного возраста.*

*The article consideres the questions of
psychological cognitive development of
children under pre-school age.*

Мектепке дейінгі мекемелерде білім сапасын арттыру аса маңызды мәселе, олардың оқыту материалдық жағдайларын жақсарту басты міндет болып табылады.

Біріншіден, білім мен тәрбие беру үшін оқытуға арналған жабдықтаулар қажет десек, ол мектепке дейінгі кезеңнің өзіндік ерекшелігі мен құндылықтарын сақтайтын, баланың дамуына бағытталуы шарт.

Екіншіден, тәрбие мекемесінің басшысы мен тәрбиеші педагогтар-психологтар қауымы кәсіби шеберліктерін үнемі шындаپ, білімін жетілдіруге жүйелі көңіл бөліп, ұжымның шығармашылық бағыт-бағдарын айқындаپ, оны жүзеге асыруға белсенділікпен ат салысуга және жағымды психологиялық ахуалдың тұрақтануына ықпал ету қажет. Сондай-ақ, отбасының сұранысы мен талаптілектерін қанағаттандыру және білім мен тәрбиенің жаңа үрдісі жайында ата-анамен үнемі бірлескен ынтымакты негізде жұмыс істеге де өте маңызды.

Үшіншіден, балабақшада тәлімгерлерге то-лық жағдай жасалып, тәрбиелу мен білім берудін технологияларын сауатты менгеріп, жаңа педагогикалық әдіс-тәсілдер жүйесін кәсіби шеберлікпен игеріп, оны тәжірибеде пайдалануға шығармашылықпен үлес қосып отырса.

Баланы тәрбиелеу, дамыту және білім беру мәселелерінде отбасы мен балабақша ұжымының бірлескен өзара тығыз байланыста болуы.

Білім беру жүйесінің негізгі мақсаты – тұлғаны оқыту, тәрбиелеу, дамыту. Бұл мақсат-тар өзара тығыз байланыста болғанда ғана нәти-желі болады. Баланы өмірге дайындау үшін дамытудың маңызы ерекше. Олар:

- 1) Зейінін дамыту; 2) Эмоциясы мен сезімдерін дамыту; 3) Қынышылықтарға төтеп беруін дамыту; 4) Өзінін сенімділігін дамыту; 5) Танымдық үрдісін дамыту; 6) Өзінін жеке дербестігін дамыту; 7) Өзін-өзі көрсете алуына және ынтасын дамыту [1.33-35].

Психолог-ғалымдар - Л.С.Выготский, А.И. Леонтьев, А.С. Запорожец, Л.Д. Венгер, Д.Б. Эльконин, Е.И. Игнатьева, Ю.К. Бабанский, И.Я. Лerner т.б. енбектерінде мектеп жасына дейінгі балалардың жеке басының қалыптасуына әсер ететін әртүрлі іс-әрекеттердің ішіндегі ен маңыздысы шығармашылық белсенділіктің сапалығына назар аударылады.

А. Едігенова: «Даму үрдісінде баланың таным белсенділігі арта түседі. 6 жастағы балалар заттарды түсіне, түріне, көлеміне қарап ажыратады, олардың құрылышын, пайдалану тәсілдерін білгісі келеді. Күнделікті өмір барысында бала



шындық дүниенін құбылыстары мен заттарын анықтай білуге, адам баласының жинақтаған бай тәжірибесін үйренуге талаптанады. Балалардың бір нөрсөні құмартып білуге талаптануын таным ынтасты», - дейді. Балалар өте байқағыш, еліктегіш, әр нәрсеге үніле қарайды, көп нәрселер оларды ойлантады [2.132].

Психолог В.С. Мухинаның ойынша, мектеп жасына дейінгі және бастауыш мектеп жасындағы балаларда мінез-құлық мотивациясы: мінез-құлықтың саналы регуляциясы күшнейеді, мотивтер мен қажеттіліктер көлемі үлғаяды, рухани және материалды қажеттіліктер сферасы кенейеді, қарым-қатынасқа деген қажеттілік, жетістікке жету, басқарушылыққа қажеттілік сияқты әлеуметтік қажеттіліктер нығая түседі. Көп білу, басқалардан жоғары болу, өзі жасай алу сияқты қарапайым қажеттіліктер пайда болады [3.79].

Т. Рибо баланың шығармашылық қабілеті тәжірибелілігіне байланысты дамиды деп тұжырымдайды. Мектеп жасына дейінгі кезең – киялдың тез дамитын уақыты [4]. Сондықтан киялдың дамуын төрт ерекше кезеңдерге бөлуге болады (2 жастан 6-7 жасқа дейінгі аралықта): I-ші кезең – баланың қабылдаудының ерекшелігіне байланысты (бір заттан басқа бір затты көре бастауы); II-ші кезең – киялдың ойыншықтарды жандандыру құдретінін байқалуы; III-ші кезең – ойындағы рөлдерге байланысты өзгеруі; IV-ші кезең – бала кияльнда өзіндік көркемдік шығармашылықтың басталуы (бейнелерді қайта құруы, жасауы).

О.М. Дьяченко мен А.И. Кириллованың тәжірибелік зерттеулерінде бала дамуында киялдың екі түрі (сезімдік және танымдық) жүзеге асады. Танымдық киялдың басты міндегі – ақырат өмірдің белгілі бір түрде бейнеленуі. Сезімдік киял, белгілі бір жағдайға байланысты қайшылық болғанда, баланың өзіндік «Мені» қалыптасқанда және оны құрастырудың бір механизм болады. Е.Е. Кравцованың зерттеуінде киялдың даму қызметінде үш түрлі компонентті бөліп көрсетті: *көрнекілікке сүйену; откен тәжірибесін қолдану; ерекше ішкі позицияны қолдану*. Осы үш компоненттің қолдануында халық ертегісінін айрықша орнын анықтап, зерттеуге мән берілді [5;6;7].

С.Л. Рубинштейн «Киял – бұл образдық форманы іске асыру, өзгеріске енгізу» деп түсіндіреді. Л.С. Выготский мен А.Н. Леонтьев киялдың ерекшелігіне қарай оған арнағы психикалық процесс деп қарастағанда қалыптасқанда және оны құрастырудың бір механизм болады. Е.Е. Кравцованың зерттеуінде киялдың даму қызметінде үш түрлі компонентті бөліп көрсетті: *көрнекілікке сүйену; откен тәжірибесін қолдану; ерекше ішкі позицияны қолдану*. Осы үш компоненттің қолдануында халық ертегісінін айрықша орнын анықтап, зерттеуге мән берілді [8;9]. Л.С. Выготский баланың қиялы біртіндеп өмір тәжірибесінің молауына байланысты қалыптасады деген қорытындыға келеді.

Қорыта айтқанда, біздін тәжірибемізге негіз болған 5-6 жастағы балалардың құрастырған ертегілері мен қызықты әнгімелері ұйымдастырылған түрде мағыналы, жүйелі, өз бетінше еркін жүргізілген жұмыс, киялдың дұрыс дамуына апаратын көп жолдың бірі болды деп есептейміз. 6 жасар бала өз кияльнда алуан түрлі жағдайлар құра алады және баланың өзі сонда әртүрлі жағынан көрінеді. Ойын барысында қалыптаса отырып, киял басқа да іс-әрекет түрінде өте алады. Тілі және қиялы жақсы дамыған бала қызықты сюжетті тез арада жаңынан ойлад шығара алады. Қиялдың үздіксіз жұмысы – баланың айналадығы әлемді танып-білуінің және игеруінің маңыздылығы, бұл жеке тәжірибе аумағынан шығудың әдісі [10.41].

Сондай-ақ мектепке дейінгі шакта зейіннің, естін, киялдың дамуында ұқсастықтар бар. Егер сәбілік шакта зейінде қабылдау мен ойлау іс-әрекеттері ретінде анықтауға болатын бағдарлау іс-әрекеттерінің ерекше формалары ретінде бөлінсе, мектепке дейінгі кезеңде мұндай іс-әрекеттер үздіксіз құрделілене және жетіле түседі, ал зейін, ес, қиял ұзак уақыт жеке сипат ала алмайды. Бала бірденеге назар аударапты, көргені мен естігенін жадында сактартыпты, бұрын қабылдағанының аумағынан шығарлықтай арнағы іс-әрекеттерді игере білмейді. Мұндай іс-әрекеттер тек мектепке дейінгі кезеңде қалыптаса бастайды.

Мектепке дейінгі кезеңде баланың зейіні төніректегі заттарға және осылар арқылы орындалатын іс-әрекеттерге қатысты ынтымен сипатталынады. Бала бір нәрсеге ынтасты өшпей тұрган кезде ғана зейінін шоғырлайды. Жаңа бір нәрсе пайда болысымен-ақ, баланың зейіні лезде соған аудады. Сондықтан балалардың ұзак уақыт бір іспен шұғылдануы сирек болады.

Д.Б. Элькониннің пікірінше, мектепке дейінгі кезеңде балалар іс-әрекетінің қурделенуіне жалпы ақыл-ой дамуының ілгеруіне байланысты зейін күшті шоғырланып, тұрақтылыққа ие болады. Мысалы, мектепке дейінгі кезеңдегі кішкентайлар бір ойынды 30-50 минут ойнайтын болса, 5-6 жасқа жеткенде ойынның ұзактығы 1,5 сағатқа дейін созылады. Мұны ойында адамдардың қурделірек іс-әрекеттері мен қарым-қатынастарының бейнеленуімен және ойынға үнемі енгізілетін жаңа ахуалдардың қолдау табуымен түсіндіруге болады. Балалар суреттерді көргендеге, әнгіме, ертегі тындағанда зейін тұрақтылығы арта түседі. Мысалы, мектепке дейінгі шактың соңында суретті көру ұзактығы екі есе артады, мектепке



дәйінгі кішкентайға қарағанда алты жасар бала суретті жақсырақ түсінеді, онын өзіне қызықты жактары мен егжей-тегжейлерін бөліп алады [6].

Бірақ мектепке дейінгі кезеңде зейіннің негізгі өзгеруі баланың алғаш рет өз зейінін менгере білуінде, оны саналы түрде белгілі заттарға құбылыстарға бағыттай білуінде және кейбір тәсілдерді пайдалана отырып, соларға зейін қоя білуінде. Мектепке дейінгі шақ ішінде өз зейінің ұйымдастыру үшін сөзді пайдалану күрт өседі. Мұны, атап айтқанда, мектепке дейінгі ересектер үлкеннін нұсқауы бойынша тапсырманы орындағанда мектепке дейінгі кішкентайларға қарағанда нұсқауды 10-12 рет жиі қайталады. Сонымен, баланың мінез-құлқын реттеуде сөздін маңызының жалпы өсуіне байланысты мектепке дейінгі шақта ықтиярлық зейін қалыптасады.

Сенсорлық даму, бала заттардың түсін, пішінін, мөлшерін және олардың кеңістіктегі орналасуын айырып қана қоймай, оларды мөлшеріне қарай сәйкестендіріп (үлкен, кіші, аз, көп) анықтай алады.

Зейін тікелей қызығушылықпен байланысты (ырықсыз зейін), өйткені қызықты іске бала көnlі тез ауады. Егер 6 жасар бала ойынмен айналысқан болса, ол алаңдамай 2, тіпті 3 сағат ойнай береді. Алайда, бұлай зейінді шоғырландыру – баланың айналысқан нәрсесінде қызығушылығынан туындаиды. Балаға зейінін тәрбиелеуде көмектесу қажет. Үлкендер сөз нұсқаулары арқылы баланың зейінің ұйымдастыра алады. Оларға біркелкі жаһықтыратын және тартымдылығы аз іс-әрекетпен айналысу өте қыын. Зейіннің бұл ерекшелігі сабактарда ойын элементтерін енгізуге және іс-әрекет түрлерін жеткілікті ауыстырып отыруға негізгі себеп болып табылады [3.89].

К.Д. Ушинский «Балаға окуды қызықты ете білу керек және сонымен катар, оларды қызықтыра қоймайтын тапсырмаларды да бұлжытпай орындауды талап ету керек, бұл жұмысты орындағанда бір жағын басым етіп жібермей, екі жағын тенестіру арқылы еріксіз зейінді тудырып отырумен катар, балада белсенді зейін шамалы болғанына қарамастан оны жаттықтырып отыру керек», - деп көрсетеді. Оқушылардың зейінін дұрыс қалыптастыруға мұғалімнің жеке басының үлгі-өнегесінін маңызы да зор [5.15].

Мектепке дейінгі жастағылардың ықтиярсыз есте сақтауы мен ықтиярсыз еске түсіруі – ес. Мектепке дейінгі жас – естін қарқынды даму жасы. Ес – бала үшін маңызды оқиғалар мен мәліметтерді жадында қалдырады және сақтайды.

Сондай-ақ мектепке дейінгі балалардың ойлау үрдісіне токталсақ, ойлау – тіл дамуы және ғылыми ұғымдарды менгере бірлігінде дамиды. Баланың сау психикасының ерекшелігі – танымдық белсенділігі. Ойлау – сыртқы дүние заттары мен құбылыстарының байланыс қатынастарының адам миында жалпылай және жанама түрде сөз арқылы бейнеленуі. Ақыл-ой жағынан бала қаншалықты пәрменді болса, ол сонша көп сұрақтар қояды және онын сұрақтары соншалықты алуан түрлі болады. Бала заттың бейнесін ғана емес, онын құмыл-қозғалыстары туралы да ойлайды. Бейнелі ойлау – 6 жасар бала ойлауының негізгі түрі. Әрине, ол жекелеген жағдайларға логикалық ойлауды да орындаі алады, бірақ та бұл жаста көрнекілікке сүйенген оқыту басымырап болады. Мұның өзі осы жастағы балалардың естері еріксіз жақсы дамиды. Ерікті естері жана ғана қалыптасады. Сондықтан жақсы қабылдаап алған заттардың түсін есінде жақсы сақтайды. Көру және есту елестері көрген нәрселердің мазмұнымен байланысты болады [11-14].

Мектепке түсу балалардың логикалық есін дамытуда үлкен роль атқарады. Оқушылардың есін тәрбиелеуде де мұғалім олардың жас және дара ерекшеліктерін ескере отырып, жұмыс жүргізеді. Кіші мектеп жасындағы балаларды оқу тәсілін өз бетімен тандап ала алмайтындықтан мұғалім үйге тапсырма бергенде, материалды қалай оқу керектігін балаларға ұдайы ескертуі керек. Бұл жәнінде оқулықтардың бәрінде мәтінді қалай оқу, тапсырманы қалай орындау керектігі айтылған. Бірақ баланың назары кейде бұған жөнді түсे қоймайды. Мұғалім мұны қатты ескерген жөн.

Балалардың ойлауын дамытуда мектептегі оқу-тәрбие процесі шешуші рөл атқарады. Бала ойлауын дамыту үшін мұғалім тиісті жұмыстар жүргізіп отыруы туіс. Ой тәрбиесі адамның психологиясын жан-жакты етіп тәрбиелеумен ұштасып жатады.

Таным әрекетінің бірі - қабылдау. Тілдік мәліметтерді және жазылымдағы қатысымдық тұлғаларды ұғыну қабылдаудан басталады. Тілді менгере барысында тіл үйренуші есту, көру, сезу арқылы дыбыстырды, сөздерді, сөйлемді қабылдауға үйренеді. Бала қоршаған ортанды жақсы қабылдауға туіс.

Д.Б. Эльконин бойынша кіші мектеп жасындағы балаладың танымдық үрдістердің дамуына келсек, олардың оқу ісінде қабылдауы – формамен түстерді тану және атауға келіп тіреледі. Мысалы, түрлі түсті құмыра салу үшін, олар форма, көлем жағынан әртүрлі болып келеді. Төменгі сыйнаптарда оқитын балалар әлі де болса құбылыстарды тұтас зат күйінде жөнделеп қабылдай алмайды. Мәселен, ол заттың



өзіне ұнағанын, олардың көзге бірден көрінетін сыртқы белгілерін қабылдауға ұмтылады. Мұндай қабылдауда белсенділік жағы аз болады. Ұшінші сыныптан бастап балалардың қабылдау саласындағы қателер азая бастайды. Окушы заттың негізгі белгілерін байқай алатын болады. Қабылдауда анализ берінде синтез қатар жүреді. Бала әр заттың өзіндік белгісін ұққысы келеді, онын мәніне ішкі, сыртқы құрылышына, жасалу принципіне зе сала бастайды. Қабылдау процесінін күрделене түсі балаларда байқай алу қабілеттін көрінуімен ұштасады. Алайда, байқаудың қарапайым элементі бірінші сынып окушыларында да бар. Байқау – белсенді ой-эрекеттінің балада дамып келе жатқандығының көрінісі [6].

Онтегенездін бастапқы кезеңдерінде қарым-қатынас бала өмірінде аса маңызды функция аткарады. Бала мен ересектін қарым-қатынасы білім, іскерлік, дағдыны біреудін жай жасында емес, өзара әсерлесу нәтижесінде, өзара баю мен өзгерудін күрделі процесі.

Бала өзіне берілетін басқанын тәжірибесін белсенді түрде ой елегінен өткізіп, өндеп пайдаланады. Психолог ғалым Б. Спок ересек адамның жаңуяда және бейтаныс адамдармен қарым-қатынас тиімді құра атуы, мектепке дейінгі кезеңде басқа балалармен жасаған қарым-қатынастың тиімділігімен анықталатынын тұжырымдаған. Ол бала басқа балалармен қарым-қатынас барысында өз құқығын корғауға т.б жатқызады.

Мектепке дейінгі балалар әдетте ойынды, сурет салғанды жақсы көреді, ересектермен және өзі қатарлы балалармен лезде тіл табысып кетеді. Мектепке дейінгі шақтың әсіресе, алғашқы үш жылды психологияда «қауіпті» кезең атапып, өзіне зерттеушілердің үлкен зейнін аударуда. П. Бадалян «...осы уақытта сәби арнайы үйрету мен тәрбие көрмесе, кейін ол өте киынға түсіп, тіпті кеш болуы да мүмкін» деген. Дер кезінде тәрбие мен үйрету көрген бала бес жасында еш қыындықсыз таза сөйлей білуі тиіс [1;6;15].

Сонымен мектепке дейінгі жас - ерте онтогенез кезеңіндегі ен ұзак және күрделі психикалық даму көрінісі болып табылады. Мұның өзі психологиялық зерттеулердің объекті ретінде қосылды және ол ғылыми әдебиеттерде оқиғалардың әр алуандығылығы ретінде көрсетіледі.

Жас баланың өмірді тануы, еңбекке қатынасы, психологиялық ерекшеліктері осы ойын үстінде қалыптасады. Л.С. Выготский пікірінше, ойын мектеп жасына дейінгі баланың жеке басының дамуына ықпал ететін жетекші, басты құбылыстың бірі деуге болады. Бала ойын арқылы өзінің қүш-жігерін жаттықтырып, қоршаған орта мен құбылыстардың ақыратынын сырын ұғынып үйрене бастайды. Ойын кезіндегі баланың психологиялық ерекшелігі мынада: олар ойнайды, эмоциялық әсері ұшқындейдайды, белсенділігі артады, ерік қасиеті, қиял елестері мен таным үрдістері дамиды, мұның бәрі баланың шығарымпаздық қабілеті мен дарының ұштайды.

Алайда мектепке бару карсаңында баланың психологиялық даму деңгейінде жекелей өзгешеліктер ессе түседі. Бұл өзгешеліктер мынадан көрінеді: балалар бір-бірінен ақыл-ой, адамгершілік және жекелей дамымен ажыратылады. Олай болатын болса, балаларға психологиялық қолдау жасау білім беру мекемелерінің (балабакша, мектеп) ен негізгі міндеті болып табылады.

Әдебиеттер:

1. Возрастная и педагогическая психология. Тексты. - М.: МГУ, 1992.
2. Вопросы нравственного воспитания школьников. // Сборник статей. - Л.: Изд-во ЛГУ, 1960.
3. Мухина В.С. Возрастная психология. - М., 1998.
4. Кулагина И.А. Возрастная психология: Развитие ребенка от рождения до 17 лет. – М., 1998.
5. Грэйс Крайг. Психология развития. - СПб., 2000.
6. Давыдов В.В. Теория развивающего обучения. - М., 1996.
7. Фельштейн Д.И. Проблемы возрастной и педагогической психологии. – М., 1995.
8. Выготский Л.С. Педагогическая психология. – М., 1991.
9. Леонтьев А.Н. Проблемы развития психики - М., 1981.
10. Выготский Л.С. Проблема возраста. Собрание сочинений. – М., 1984.
11. Обухова Л.Ф. Детская психология: Теория, факты, проблемы. – М., 1995.
12. Окландер В. Окна в мир ребенка. / Руководства по детской психотерапии. – М., 1997.
13. Слободчиков В.И. Психологические проблемы становления внутреннего мира человека. // Вопросы психологии. 1986, № 6.
14. Смирнова Е.О. Психология ребенка. - М., 1997.
15. Кисловская В.Р. Школьники в среде сверстников и взрослых - Алма-Ата, 1975.